

四庫全書

集部

欽定四庫全書

御製樂善堂全集定本卷十五

古體詩

古硯

崔臺舊瓦埋烟草追琢為硯誠堅好端溪紫石石質良  
金文鶚眼成文章何如天然古硯省磨礪淋漓墨海變  
雲龍他山之石無所用隱相呵護煩神功翠濤剌剌露  
精彩恍疑寶氣浮晴虹藏之七十有二代以為金泥玉

檢充東封

擬蘇子瞻遊赤壁詩

赤壁赤壁何崔巍  
清流盛浪如銀堆  
我來攜客弄小艇  
一輪秋月光徘徊  
座中洞簫吹莫哀  
酡顏恰有新秋醅  
眼前好景不易得  
何妨磊落玉山頽  
君不見紅樓綺閣  
管絃高富豪子弟  
爭遊遨又不見鼓  
鐘歌舞府中宴日  
食萬錢殊未饜  
惟有清風明月不  
外求  
幾人江上為勾留  
東方既白且歸去  
得閒還擬重來遊

題王原祁秋山圖

屋壁淋漓懸尺素琅瑯妙筆寫烟樹草堂空對夕陽閒  
伊人宛在知何處蒼蒼暮景遙空白雲山涵翠迷咫尺  
簷前弗弗起飄風獨與高秋留本色

郊園見西成有象即事志喜

去冬雪盈尺占之利東作今春雨如膏可卜豐登樂一  
自入夏來雲漢光煜燭崇朝歇甘霖祝融扇炎灼  
聖皇念民艱憂勤倍諮度對越保無斁

昊天鑒誠恪未幾三日雨露濡徧村落庭除景色佳苔  
痕茂參錯那知郭外田良苗助長若承

恩獵南苑平野秋風掠氣爽馬蹄輕天高鷹眼矍合圍  
出紅門更覺郊原廓行行歷野店去去穿林薄中林施  
兔置歇驕奮噬搏田事亦云畢農夫罷秋穫眄彼場圃  
間黃雲堆漠漠婦子利秉穗老幼飽藜藿從識天人理  
應響如鳴鶴宵旰

聖人心頓起下民瘼太平徵有象永言誌其畧

南苑觀魚

霜寒秋水澄鏡光天一色潑潑巨壑魚潛躍咸自得獵  
罷解征鞍網罟頗諳識觀魚寄我情豈為貪口食鯢鰕  
夙有禁留以繁生息為語捕魚兒取之不可極

馴象歌

皇靈赫濯昭八荒西極咸池東扶桑于闐盤况求王章  
歲歲奉貢來九閭厥貢惟象象云馴龐然巨體性孔良  
金羈錦襜飾身首正朝分立金門旁玉輅金輅高數丈

駕縛安穩行堂堂昇平儀衛匪異物屹然排仗威遐方  
我聞象形如珂雪又聞象力絕羈縻生花拄地曾耳聽  
究竟未見嗟荒唐辛亥九秋獵海子路西却過馴象房  
因緣一覽愜宿願長準大武誠昂藏蠻奴五六跼其背  
隨所使令如驅羊或俯厥鼻一叩地特作鼓聲鳴鏜鏜  
仰天時亦戔長韻鼻孔嘔啞吹笙簧渴來吸水盡巨甕  
俄然噴出如西江作樂昔曾效率舞占星聞說散瑤光  
狻猊獅子稱善吼山林詎足供廟廊

白馬行

秋陽皎皎秋風起  
千山萬山收紅紫  
南苑平蕪曉色寒  
遊絲白日長空裏  
我從前歲罷秋圍  
經年未到南海子  
重來歷歷憶舊遊  
真教見獵心猶喜  
黃羊麋鹿滿平郊  
捷射爭誇馳驟駢  
就中白馬夙我隨  
德力相諳已久矣  
神姿嶄峩隅目熒  
峻骨昂藏駿上指  
罽織鞍穩革鞢牢  
牽來不騎且熟視  
翹然長鳴向我前  
意氣稜稜蹄股峙  
舊聞天馬老能行  
雄逸何用加鞭箠  
合圍少試秋草原



驍騰未改舊時美一馳射中雙兔兒再馳殪彼一封豕  
亟命解鞍休息之秣以甘芻飲以水勞爾汗血歷有年  
愛護馴良宜若此豈令老却青絲絡鹽車伏櫪終厥齒  
但使長遊垆牧間一年一度一騎爾

德壽寺古鼎歌

龍宮巍巍紫氣軒輝耀棖煥崇垣寺名德壽菴羅園  
刹竿高挂珊瑚旛停鞭卸轡山門前一滴欲尋曹溪源  
東瞻紫霧明朝暎清涼頓覺隔塵喧香浮寶殿謁世尊

兀然古鼎吐雲烟何人鎔冶工雕鐫金翠斑斕歷歲年  
上文雷回下雲紘猙獰狀類獅子蹲籀書斯篆跡難分  
世次那辨癸與辛蚪蚪盤屈蛟龍奔周彝虞敦恍猶存  
葆精凝潤疑瓊璫寒光欲流不可捫日月照射輪朝昏  
濯洗全資雨露恩在昔盛事傳橫汾此鼎神異邁等倫  
我欲負之千蹄健移向帝闕鎮厚坤充以大武佐魚豚  
萬斤水火為之燔有寶大亨養聖賢

沍寒行

陰凝北陸元冥朝皚皚天表飛瓊瑤小池凍疊層冰裂  
博山獨擁獸炭燒重簾暖閣有如此愛日負暄聊徙倚  
沙漠龍堆雪蔽脛念彼萬里從征士

高其佩指頭畫馬

平川首嵒烟濛濛一株老柳秋陽中二馬昂藏赴西風  
連錢蹀躞傑且雄一匹摩癢一匹卧驚鴻脫兔凡馬空  
當年畫馬稱韓幹安排筆墨成欸段何如一指運千鈞  
墨汁淋漓法不亂自今繪苑傳奇觀不在毫端在指端

冬夜煎茶

清夜迢迢星耿耿銀燭明滅蘭膏冷更深何物可澆書  
不用香醅用苦茗建城雜進土貢茶一一有味須自領  
就中武夷品最佳氣味清和兼骨鯁葵花玉鞞舊標名  
接笋峰頭發新穎燈前手擘小龍團磊落更覺光炯炯  
水遞無勞待六一汲取堦前清泚井阿僮火候不深諳  
自焚竹枝烹石鼎蟹眼魚眼次第過松風欲作還有頃  
定州花瓷浸芳綠細啜漫飲心自省清香至味本天然

咀嚼回甘趣逾永坡翁品題七字工汲黯少戇寬饒猛  
飲罷長歌逸興豪舉首窓前月移影

讀西山先生大學衍義

晴窓披典墳望古興遐想眷惟希元翁體道粹涵養著  
有衍義書妙蘊資尋倣大含亦細入渟泓包萬象孔曾  
緒不墜千載揭昭朗讀書思其人高山欣景仰

飼金魚

彎環碧水滿方塘文魚翕忽朱鬣張閒坐石磯拋飯餼

百千爭啜樂徜徉維河有鯉潛淵藏見人輒避奔如狂  
暫自為計雖云良終入鼎烹供客嘗金魚何幸鯉何辜  
試言其故客聽諸金魚有智鯉不如不知以近為遠分  
以實為虛君不見呢呢喃喃梁上燕絕塞秋鴻遭羽箭

開圃

開圃種新蔬墾闢堂隙地墉畦繡錯分種植從其類寧  
同抱甕勤未使桔槔智灌溉苟及時烟甲抽次第蘿蔔  
白玉花蕨芽青線穠曉露帶如珠朝餐足佳味豈云佐

盤飧聊以觀生意

王瓜

嘉祐本草作胡瓜拾遺錄作黃瓜今以其最先出名王瓜非月令王瓜也

老圃種王瓜  
鬻市爭及先  
長無二寸  
蘆管圓高  
價直欲  
索千錢  
豪家富室  
張錦筵  
相誇早  
啖王瓜  
鮮曾無  
幾日  
王瓜老  
味金色  
足方美  
好豪家  
富室偏  
不買  
貧人每  
食  
王瓜飽  
天非愚  
富却智  
貧都由  
人眼尚  
鮮新

新荷

晴暎照蘭沼  
蕩漾波光  
淺貼貼小  
綠錢水面  
八九點已

足泛盃盤尚未擎青纖芳心不肯舒半為蘋蒲掩

題靜憇軒

非靜不能憇非憇何由靜心與境相忘一泓止水定小  
軒僅容膝頗足適幽興臨窓俯碧池波光入眼淨爐有  
香可焚牀有几可凭即景裁短句豈復論聲病喜得大  
自在而無俗慮競安佚非素懷聊以適吾性

鵲營巢

亭柳青青綠陰鎖柳下乘涼亭上坐飛來雙鵲構巢居



上下枝頭不避我一日復一日營巢亦將成傳說巢成  
始上梁上梁開戶卜陰晴卜陰晴如其語舊年上梁南  
其戶由來多是北風雨今年上梁戶向東定知西雨兼  
西風嗟爾鵲兮識天工胡為世人昧所從不辭趨避吉  
與凶

讀杜詩

大雅止姬周何人繼三百卓哉杜陵翁允擅詞場伯歌  
謠寫忠懇灝氣渾鬱積李韓望後塵鮑謝讓前席緬想

浣花溪披讀仰高格詩史非妄評良足娛朝夕

翠雲硯歌

松花江之涯有石質堅色綠磨而為硯不減端  
溪爰以翠雲名之而歌以詩

松花江水西北來搖波鼓浪殷其雷波收浪捲灘石出  
高低列翠如雲堆蜀相八陣此其種江間水流石不動  
日月臨照晶光華波濤濯洗如璧珙長刀槎枒繩修蛇  
刀割繩縛出灘沙他山之石為之礱礱包車載數千里

遠自關東來至此橫理庚庚綠玉簪長方片片清秋水  
爰命玉人施好手質堅不受相攻剖磨礪幾許研乃成  
貯以檀匣陳左右龍尾鳳咮且姑置銅雀舊瓦今何有  
自憙得此迥出羣錫以嘉名傳不朽

冬夜偶作

天寒鴉歸早月上人語靜融融地爐煖紙牕散清影白  
日雖苦短迢遙愛夜永敲句和殘更惕然發深省

簾幙重重下獸炭旋旋然猶恐寒侵肌向火爭趨前懸

知玉關外雪積層冰堅出征衆軍士跋涉實可憐況當  
歲云暮家室情更牽所恃雨露厚無賴主帥賢凱旋應  
指日永不成窮邊

梅月窓外橫漏滴響未了心閒吟思生境靜俗情掃每  
從物理中略識清心道撥火且烹茶一杯供軟飽

昔者諸葛公南陽一隱士攘魏蕪和吳早定方寸裏一  
朝遇主知終身不易此鞠躬更盡瘁總為酬魚水設非  
劉王孫疇展經綸美

沈石田秋林獨步圖

壁上高掛七尺練沈子石田之所作安排妙意神淋漓  
摹寫秋容氣蕭索梳空白雲起峯頭弗弗金風蕩日脚  
長林深樾何畏佳一氣怒號萬葉落何來瀟灑杖策翁  
獨步有似雲中鶴板橋石磴一徑通山腰茅屋看束縛  
遠山無皴樹無枝非復尋常具邱壑滿空烟霧如欲滴  
目極天邊更寥廓

五弟有葫蘆筆筒用十年矣屬予題句

物貴朴質不貴奇用貴長久不貴暫譬如君子小人交  
或如醴甘或水淡何處西風蒲柳姿忽成雅製佐鉛槧  
日與湘東三品俱位置安排毋乃僭吾弟用之已十年  
資益吟哦恒不厭磨礪本自無圭角日事摩挲光泛潑  
腰胸肩頂相稱停映射溪藤雲藻挾架筆何須紅珊瑚  
只此天成質無欠伊子鴈序愧先行十有四年共筆研  
枯韻同拈工拙殊心中歡喜兼艷羨不辭復作筆筒詩  
已費苦吟一日半

題白居易養竹記

瀟灑白少傅妙理清談自為養竹記竹性頗能諳森  
森抽枝篠千頭綠玉簩欲踈不欲密三昧還須探亦思  
覓幾個琅玕栽宅南

望雪行

今年三冬未見雪同雲苦被風吹撒夜觀望舒如鏡明  
曉看翔陽似冰潔秋麥全資冬雪培遙識農家望歲切  
我聞三白兆豐年望霰先集心如結上帝穹窿坐玉京

青女滕六分行列如何不一駕雲車試剪飛瓊噴玉屑  
飄飄灑灑頃刻間利我三農都喜悅

丈室

丁東漏聲寒更長甲乙夜萬籟俱閒寂宵鐘響亦罷聊  
撥爐中灰向火消閒暇鼻觀趣自永旋旋添蘭麝香爇  
不能眠靜中觀造化

丈室有餘清寒宵正三五紙窓近檐階月色差可覩地  
爐獸炭暖夜永灰更聚手擎小龍團閒向松瓷煮讀詩



品古人心許杜工部篝燈一再披恍似促膝語

燒香曲

鏤銀匙子紅芙蓉雙金細筋頭珊瑚宣銅流金乳耳爐  
活灰冉冉雲翠鋪獸焰光騰紅映座分來細壅安隔火  
霜天如水月華寒玉檠三兩明珠墮小炷沉香灰半殘  
黃雲一穗裊帷幃靜參得意六根遣呼童且莫捲重簾

剪燭詞

漏聲丁丁催落日鼓聲鼕鼕喚月出朱扉半扃金屈戌

蘭缸獨朗窈窕室雕欄匝匝護丹葩燼長光暗雲漿密  
并州霜鋒黑燕尾雙飛拈得金英起落花貼貼流水寒  
瓊枝却在紅紗裏

祀竈畢啖糖餠

糯米浮光細如絲菜豆磨末白如粉肅具盤盂為供養  
辦香束楮申謝悃家家此日祭竈君得食祭餘身安穩  
燭光照盤堆錯雜甘如崖蜜供口吻破臘今知歲序周  
交年漸覺春光近挑燈且復坐匡牀清茗一杯潤舌本

屏風謠

錦純方寸虬蟠拏岌岌兩扇端不斜紙面木骨非炫華  
軒窓閒敞為周遮朔風度雪松翻影當門瑟瑟蝦簾冷  
霜刀落燼銀蘭明一縷香雲坐夜永

水仙

女夷裁冰作仙骨色香淨洗水雲窟天風吹送洛浦春  
處妃小步瑤臺月金鈿掠鬢玉簪橫向人不語如有情  
採芝皓腕渾不見倚屏却坐羞銀檠

玻璃鏡

斲檀紫翠蟠龍蛇錦簾半揭文繡斜中含冰月無點瑕  
水精雲母羞精華西洋景風吹海舶海門曉日搖波赤  
梯陵度索萬里遙價重京華等球璧虛明應物中何有  
妍者自妍醜自醜匡牀坐對寂萬緣我方與我周旋久  
春夜偶成

開年喜陽和月明三五後挑燈裁短句閒消清夜久敦  
敦書案前積冊紛左右緬懷古作者杜韓期尚友汲深

苦綆短與行終莫剖壁之水在器量物隨所受惟在適  
我心豈計悅人口

我思天地間孰非造化功冬春相代謝循環嬗無窮一  
氣鼓大冶萬彙形色同如皇建厥極頒令自法宮垂衣  
端拱理四海聲教通陰陽無愆期百昌乃告豐象魏布  
始和八表扇仁風此理非臆談權輿自鴻濛

側聞斗有柄四時異所指仰首望斗垣又見向東徙乃  
知陽德普萬物資於此大哉行健心妙矣於穆理

相風

長竿三丈繩絲直上揭飛輪如鳥翼雨淋日炙更陰晴  
風飄籟靜隨興息二十四番曾慣經三百六旬立亭亭  
朝看披拂送落月暮看颯沓呼羣星等閒塵市罕得見  
未央宮裏明光殿御爐香霽午晝長飄揚每被陽和扇  
即今五兩春氣融豈是尋常雌與雄但使巽二欲吹萬  
那管東西南北風

填倉日

月正已過二十五陽和布作新春景東風次第催物華  
隔窓晴度遲遲影共傳此日填倉節不喫糜飯惟嚼餅  
青青早韭列盤香細細茆芹入齒冷食罷高齋步幾回  
簾櫳深鎖爐烟靜更喜今朝風日佳豫卜黃雲堆萬頃

催耕鳥

條風天宇布百昌欣韶熙村原趣已佳綠水明千畦秉  
耒耕南畝提壺餉東菑郭公何丁寧催耕田畔啼高樓  
嫩柳梢低喚柔桑枝分明為一言東作當及時田老聞

之喜胼胝非所辭田婦聞之喜饋饁職所司但願歲豐  
穰辛苦甘共之幾度聞此聲蚤起竭力為那似香閨中  
驚眠翻怪伊

素几謠

素几素几胡為乎不雕不斲不丹漆直方之中存本質  
深山大壑儲良材工倕裁製陳書室使我凭之不肯以  
汝佐尊尊不肯以汝供梳櫛惟有乘興賦詩時蠻牋藉  
爾快吟筆



玻璃窓

西洋奇貨無不有玻璃皎潔修且厚  
小院軒窓面面開  
細細風櫺突紗牖內外洞達稱我心  
虛明暎物隨所受  
風霾日射渾不覺几筵朗徹無塵垢  
溪畔高枝宿鳥飛  
門前小徑行人走秋添瀟灑看階菊  
春回消息憑庭柳  
一徑入望盡分明萬象為呈妍  
與醜依稀對鏡延清賞  
裁詩可似銘座右

御製樂善堂全集定本卷十五

欽定四庫全書

御製樂善堂全集定本卷十六

古體詩

長春

春華秋實催年改  
繁卉辭條想弱蕾  
駐春惟有月季花  
點綴四時勝剪綵  
綠葉雜間深淺紅  
亞盆巧笑凌東風  
不笑東風放花色  
惟笑東風吹不得

二月十一日晚烹雪水偶成

仲春湯天飛瑞雪不異甘霖及時節預卜二麥兆豐收  
田夫村叟咸懽悅吾曹此樂正有餘清興更與尋常別  
呼僮藉席為收取滿貯磁缸水甘冽晚來活火事煎烹  
一甌香乳看清絕自啜自省沁詩脾銀蘭燭長光明滅  
因思上蒼霏瓊霙祇緣大地春方茁如何吾曹擅妄取  
但為口腹供飲啜復思此法古有之清味不須和梅齧  
吾曹所飲能幾何萬物資生亦不缺竹爐茗椀相周旋  
哦詩夜半寒更徹

春蔬

春融地氣如膏滑一畦煙甲隨雷發檐前小鳥喚春眠  
裊露攜籃勤采掇早韭初菰紛列盤清芬細嚼冰齒寒  
淡泊有味取次領旦晚為爾還加餐君不見一食千金  
丞相府猶說區區難下箸

雨前茶

穀雨前春雷後色染鵝黃新上柳攜籠男婦谿山走爭  
試採茶三昧手日烘山腰暖碧雲槍旗半吐搖酣春賣

與商人博衣食徒勞曾未沾其唇伊余品泉逸興賒啜  
罷還憶貧民家新絲新穀都已賣即今又賣新芽茶

古意

好花早萎謝佳人半顚顚天非惜雨露尤物人所忌寶  
鈿羞黃金傅粉奪珠翠清曉臨荷池脉脉含愁思上開  
並蒂蓮下有雙鴛鴦睡繁英且耐時接翅緣同類一朝秋  
風淒中路還垂異物理有如此那得長相萃惆悵倚朱  
欄旁人詎解意

寧為山下草不為山上松雨露苟及時榮長爭茸茸憶  
昔當結褵原以託始終如何顏色改棄置等飄蓬青樓  
繫玉駿二八桃李容君脫紫錦裘賁酒擊歌鐘不念貧  
賤時以我曾禦窮

灼灼海棠花闌闌黃鶯兒綵袖倚闌干眄彼芳菲枝芳  
菲豈常住况復鶯語遲離愁已若此會合應無期素手  
援龍梭織成迴文詞迴文有斷絕此恨無已時

綿綿洛陽道道旁何所有多見送行人悲歌折楊柳楊

柳折不盡絡繹驅車走願為路上塵逐君馬蹄後君行  
求富貴金印大如斗還恐宦途艱榮華不可久何如早  
歸來與君長相守

樓松

即偃蓋松也見抱朴子

盤山之側雙株松擎空森竦翠色濃落落不改四時色  
蕭蕭獨韵三秋風幾年驅車薊州路摩挲古幹不能去  
高聳浮圖帶野煙平飛畫棟凌雲霧品題曾記抱朴子  
樓松鬱鬱差相似梢振寒聲捲浪濤根蟠巨石疊階砌

當時銅雀已成塵此樓獨占千年春  
婀娜何曾貯歌舞  
幽秘或可棲仙人可憐路旁桃李枝  
陽和發育爭參差  
西風搖落無顏色空令獨樹含清悲  
安得韋偃寫直榦  
倩伊圖入鵞溪絹掛壁涼颼鎮日秋  
坐卧青雲眄銀漢

王叔明山水圖

吳興王叟風流客愛向生絹寫丹碧  
畫家六法占高科  
氣韻生動神奕奕粉墨慘淡費經營  
懸之高堂滿秋色  
胷中邱壑鬱監礪安排三遠

畫家有高遠深遠平遠之說

無形迹主



峯聳峙客峰赴山帶溪流相絡繹溪邊釣艇任風斜溪  
上人家隱竹柏仰睇高渺若無路梵宮忽向青冥闢千  
尋石壁掛瀑布匹練遙空瀉飛白盤擎撐突老松枝三  
面畫法石分三面還看多怪石筆思縱橫奪化工恍惚煙雲生  
几席摩詰風流難再續此圖珍重等球璧

大理石牀歌

皚皚雪質排雲黑葆光含潤如球璧來從滇南萬里遙  
量度長材越數尺良工琢磨成匡牀紫檀為架文錦席

天然山水石紋間倪黃手蹟橫空碧窈窕洞壑藏神仙  
瀑布飛流掛松柏峯巒層沓雲氣深灘頭溪尾相連繹  
坐中恍惚秋風生何必買山娛泉石

春暮西廐騎射

離離紫陌花苒苒暮春天紛紅一以萎綠楊全鎖煙可  
惜流鶯語驚起曉窓眠秣我青驪駒策我珊瑚鞭乘興  
聯騎去晴郊草芊芊馳射平原中隨意娛芳年君看女  
夷功三月韶華鮮九十彈指過有似箭離弦何如無心

者萬物任其然榮華何繫戀風過百花穿維時日西下  
歸鞍三五聯有客興春緒中懷淒以牽勸君莫傷春四  
時相代遷與君消惆悵淪茗烹山泉即此目前景可味  
南華篇

移碧桃

園中碧桃樹滋生隨處有日久未剪治叢條覺漸醜遊  
賞寂無人隱榮山之後嗟哉繁華姿棄置誰之咎幽齋  
一日閒呼僮荷畚走叢者去其雜隱者出諸數移植小

池前間以垂絲柳三月花盛開殷紅映紗牖桃芳不徒  
榮報我亦已厚我既悟此理願告灌園叟良材莫使淪  
嗟爾能聽否

高其佩指頭畫虎

鐵嶺老人闔李流畫不用筆用指頭縱橫揮灑饒奇趣  
晚年手法彌警適為吾染指畫蒼虎氣橫幽壑寒颼颼  
落墨伊始雅雀避著色欲罷豺狼愁怒似蒼鷹厲拳爪  
炯然霹靂凝雙眸萬里平川望無極三株古柏擎龍虬

老人閱世如雲浮，獨於畫法未肯休。  
此圖贈我實手蹟，筆繪還輸第二籌。  
高堂畫靜風生壁，却憶行圍塞北秋。

水竹村

清溪左右環綠玉，參差繞悠然。  
水竹村迴絕塵氛，擾細  
籟韻琅玕。月鑑澄光皎，中有靜觀人。  
託興何幽渺，春漲  
起平波。小園發新篠，可以釣修鱗。  
時或集佳鳥，披書綠  
窓陰。得句蕭齋曉，訪客過溪邊。  
回望叢篁杳。

有鳥二十章

孔子教小子曰詩可以興又曰多識於鳥獸草木之名鳥獸草木中觸吾性情有興機焉若徒追琢字句強裁聲韻烏可與言詩哉唐元微之作有鳥二十章備載鴟鴞老烏諸惡鳥之可憎雖疾世之憤辭然不失三百詩人之旨余讀而慕之倣其體亦成二十章所詠者皆鳳皇鸞鷟諸名禽微之以刺而示戒余以美而示勸其有助於性情一也至於風格之高錘鍊之雅余固

未能及古人觀者取其意而畧其辭焉

有鳥有鳥百鳥王雄為鳳兮雌為皇朝棲崑圃飲玉露  
夕宿蓬島餐琳琅九苞六德耀文明恢恢天宇恣翱翔  
厥惟聖人修至德來巢阿閣呈嘉祥藹藹吉士馳王路  
千秋萬載邦家光

有鳥有鳥名朱鷺波靜昆明常顧步漢鼓曾標樂府聲  
周舞亦載詩人賦振振有序羽翮聯和鳴未許雜孤鷺  
玉筍班中識爾名由來博得人人慕

有鳥有鳥雙鴛鴦接翼交頸遊方塘共宿蘭沼何容與  
同飛鏡浦相迴翔若有人兮翠袖裳思夫君兮天一方  
春朝步兮春池旁覩佳禽兮增慨慷

有鳥有鳥在水滸飛鳴行搖如相語如相語相急難相  
急難兮食不安遠羅網兮泛清瀾啄蘆頭兮心共閒君  
不見悌有鵲鵲孝有烏人稟秀靈如不如

有鳥有鳥聲緡蠻遷喬求友出谷間楚楚金衣綠陰裏  
諧鳴玉管叫春闌高齋日午簾幙悄側耳徐聽音未了



生平不少素心人  
關山迢遞予懷渺

有鳥有鳥曰靈鵲  
羽族本天似先覺  
但不告憂惟告樂  
惠迪則吉宜忖度  
憑茲作喜易舛錯  
鳥智人愚非見謬  
有鳥有鳥名布穀  
高喚枝頭村柳綠  
村老聞聲急荷鋤  
趁時耕作還相勗  
東鄰西舍催耕遍  
喉吻苦乾飲水曲  
不似籠中雙畫眉  
巧言但博主人肉

有鳥有鳥枝上啼  
啼聲風送到深閨  
聲聲催織當春日  
織女聽罷顰雙眉  
飽蠶方作繭那易  
成新絲新絲還要

賣匹帛安可期我願拖綾曳錦者常念茹簷忍凍時

有鳥有鳥如輕舟毛衣皓潔名沙鷗穩宿洞庭秋夜月  
閒泛瀟湘煙水流將雛命侶頗自得對爾還似逍遙遊  
有鳥有鳥名鴻雁秋去春來期不變成羣飲宿向沙洲  
蘆葦蕭騷波瀲灩古人重爾信義敦嘉禮親迎用致奠  
如何世人轉不如糟糠富貴分欣厭

有鳥有鳥雛將雛雛兒聲澁學母呼壠上風搖麥浪綠  
引雛拾蟲却相逐大堤年少挾金丸見雛此意不肯彈

彈雉雛兒誰為哺彈雛却憐雉心寒收弓擲丸不復看  
有鳥有鳥慈烏鴉飛集庭樹聲啞啞聲啞啞引其雛羽  
毛翩翩尾畢逋尾畢逋雛亦長烏老更借其雛養母為  
慈分子為孝禽鳥亦識人之道

有鳥有鳥清秋隼獨韻金風利爪吻勁氣矜寧似駿駘  
眼疾身輕雙翅敏晴臯一下萬山青狐兔燕雀藏伏盡  
有鳥有鳥名黃鵠軒軒霞舉超凡俗矯翩翩躩來玉京  
却向太液池邊浴隨仙去後空餘樓入琴彈罷猶思曲

冥冥灝氣恣翱翔引我欲窮千里目

有鳥有鳥雲錦文巴山靈禽夙所聞的的彩色映日麗  
煌煌繪羽翻風新奇姿藻耀欺凡鳥雕籠飲啄為君老  
却勝埒頭村雞鳴瘦立風霜報天曉

有鳥有鳥呈符瑞援毫作歌紀其事伊昔明皇即位初  
貝州飛蝗害苗穗乃有白鳥凡數千一一喙啄蝗盡斃  
當時姚宋作相公調和燮理稱郅治開元天寶易治亂  
玉妃擅寵昭陽殿祿山食人如食禾嗟此蝗兮可若何

安得白鳥大如蓋食此蝗兮安內外

有鳥有鳥志不移啣石填海無已時海却何時滿石亦  
何時斷但見羽毛禿兀爪喙疲咄哉汝鳥尚有志人而  
無志鳥所嗤

有鳥有鳥雙白鵬清秋玉立菰蒲灘踏波緩舞藻文動  
澄流照影翩珊珊性情高潔如其色自首至尾無點黑  
俗眼欲看看不得

有鳥有鳥金翠斑厥名孔雀產巴山產巴山來帝里屏

張藻耀文明起羽儀為國獻嘉祥不甘戢翼巖阿裏  
有鳥有鳥雲間鶴萬年枝上欣所託勁羽梳風意態孤  
清聲韵月響深壑常伴仙家丹鼎煙不慮虞人施矰繳  
有時灑翮一高飛迢迢天路翔寥廓

采松花

綠蘚遍松陰松花帖蘚落嫩黃映深碧清香入簾箔我  
持碧筠筐采采盈筐著服食為清心非欲驂元鶴

新漲

雨餘眇蘭沼泛漱新波漲碧沚蹙羅紋紅荷搖翠浪新  
浴鷗鷺羣沙嶼遙相望我欲置扁舟鼓枻空明上

讀蘇子瞻題司馬君實獨樂園詩即用原韵

挿架萬卷書隨手自拈下披覽結遐心似遊霄霓野當  
時獨樂園温公開樽斚清吟薄雲天曠談述虞夏洛中  
九老人來往涉風雅事同東山遊跡非白蓮社東坡生  
花筆自是天假者題詩監硬語曲高和者寡獨樂悅性  
情衆樂看陶冶惟公入朝時衛卒擁其馬惟公入園時

一切浮榮捨蕭然物外遊不似歌渥赭猗歟匡濟才閒情寄嘔啞

觀刈麥

麥苗入夏結穗黃東隴西隴碩且長老農此日走田忙腰鑣遍割樂歲穰笑看黃雲各成片密莖隨手行行亂肩挑背負晒檐頭饘粥有餘他不羨呼兒莫逐飛來雀令渠亦識收成樂

雨後聽溪聲



流雲猶在青天上  
霽景澄鮮風蕩漾  
因風泛起是何聲  
但見溪頭新水漲  
溪流宛轉繞芳堤  
采采蒹葭覆水齊  
宿潤全滋菑舊色  
新晴不斷鷗鷖啼  
鷗鷖啼處煙波繞  
直瀉流泉鳴未了  
泱泱長疑珮響搖  
潺潺低咽琴聲悄  
耳根塵雜苦匄轟  
入聽從教洗滌清  
我非智者亦樂水  
幽情逸韵相交并  
幾度臨流閒徙倚  
風力漸停溪漲止  
莫謂溪聲斷續殊  
動靜循環理若此

熱

連朝祝融氣正作碧落無風雲脚破揮扇招涼涼不來  
匡牀暑熾誰能卧我思上蒼運四時祁寒暑雨原相佐  
冷暖由來有定期怨咨自是人心過平情可得避暑方  
深屋下簾獨靜坐

讀書樂

周孔未云遠典籍良具陳深造乃有得面牆終自淪伊  
余本下學敢忘書史親轉念學海濶未易窺涯津汲古  
乏修綆貽誚腹笥貧昌黎讀書篇字字堪書紳况復饒

至味好與結芳隣樂意寓靜觀優游期日新

秋蘭

崇蘭泛清飈婆娑翠帶長采采欲誰贈徘徊步中堂露  
彩含莖潤日華映蕊黃蜂蝶不知采古澹含幽光我持  
金剪刀更攜綠筠筐非為紉芳佩愛此王者香

投壺

秋風動簾幙曉陰忽開晴中堂聚嘉客投壺怡我情一  
中詎云巧三辭禮亦成勝負不相角新詩還共賡餘韻

雜踈籟入耳聲琤琤

著簪吟

韓詩外傳載孔子遊少源之野有婦人中澤而泣使弟子問焉曰鄉者刈著薪亡吾著簪弟子曰刈著薪而亡著簪何悲焉曰非傷亡簪也蓋不忘故也余讀而有感焉作著簪吟

憶昔妾簪著結褵事夫君和鳴如鼓瑟自卜將終身妾失著簪日乃在彼中澤良人天一方誰能覓其迹妾泣

亡簪非泣簪可憐郎心異妾心君不見新衣稱體舊衣  
捨世間誰泣亡簪者

擬杜工部東隣棗樹歌

春光晚晚春風斜東隣棗樹方開花大火西流屆秋日  
東隣棗樹紛結實開花結實年年好催得東隣人欲老  
兒童不解惜流光但愛秋來飽吃棗西隣有客常著書  
閉戶不出一月餘東隣棗亦覺少否不似王吉誇出婦

關蟋蟀

百草收芳秋瑟瑟烏衣王孫應候出兒童不解秋聲淒  
延入高堂甕為室甕為室甕為城厲鋒養銳期相爭甘  
芻好飲供其腹豪氣凌秋喙爪速是時晶陽照華屋兩  
童角勝誰輸服乘閒偶作壁上觀沙塲不見戈戟攢當  
前勇力先手搏怒氣奮張敵膽寒濶頽修腰振兩翼牙  
排利鋸目如墨羽林十二漢家郎蟲達功高居第一軒  
髻仰面試長鳴臨敵拏攫如鷲英草間竊伏堪鄙笑陣  
前持重功方成功成破敵立不動應機變化多操縱黃

髭鮮早見股栗獨身跳免呼伯仲燕然峯上勒勲功  
螭塞外靖邊烽定州花磁賜湯沐飛將軍是人中雄  
須臾角罷兩童起負者蹙眉羸者喜呼童來前聽我言  
自古興衰皆若此楚漢雌雄迹已陳三家鼎峙紛紛將  
軍汗馬功難並鐘鼎勒字生埃塵獨不見開元天子宮  
內宴玉妃小賭昭陽殿金籠不啻十家產萬金之資費  
一旦又不見咸淳丞相半間堂翠盆香褥臨秋張但愛  
山河關鑿觸那知六載圍樊襄由來此物亦有時榮華

昔日今安之浮生誤落汝童手驅之陣戰焉能辭一朝  
偶敗非得已應看再戰出新奇聆我此言氣始釋梧桐  
月上天將夕匡牀靜倚未曾眠更聽盆中鳴唧唧





御製樂善堂全集定本卷十六

欽定四庫全書

集部

御製樂善堂全集定本卷十七至十九

臣 永瑤 恭校

侍讀臣 孫球 覆勘

覆校官中書臣 田尹衡

校對官助教臣 胡子襄

謄錄舉人臣 李椿

欽定四庫全書

御製樂善堂全集定本卷十七

古體詩

題唐岱重溪煙靄使面

山容邈迤開屏障前溪後溪遙相望雨餘煙靄濕未乾  
流雲不捲青天上溪流宛轉抱花源茆舍幾間面青嶂  
板橋架波通徑窄梵宮結構層巒壯山水與我有宿緣  
每遇佳景輒歡暢名山萬里未曾遊對圖逸想那能忘

唐生當今稱妙筆知我心胸愛清曠晴窓為我圖便面  
潑墨淋漓傳景狀千重林麓抹蒼翠一片煙雲作供養  
遠峯近態無不兼樵路疑聞牧童唱莫辭復為一拈毫  
添個輕舟雙槳盪

讀白樂天集

元白夙齊名並號能詩者後來趨向殊品格別高下以  
此評其詩我愛香山社况復無繩削體裁極閑雅吟咏  
攄性靈後人繼者寡弗弗紗牖風炎炎朱明夏把玩不

能置博山香細炷

擬柳子厚始得西山宴遊詩

佳境天所儲常以供幽客我得遊西山追蹤謝公屐高  
峯挿天漢嵌空疊翠碧其下森萬山朝拱歸一脉古磴  
長竒葩靈扃多仙跡得意亦何有會心聊自適盤桓撫  
長松清風生野席

相馬吟

知人固非易知己良獨難譬彼駕鹽車太行阻且岼惜

哉騏驥良徒共駑駘餐一朝遇伯樂三鳴感多端秣甘  
飲清水飾之錦繡鞍西極崑崙墟東窮渤海漫追風四  
蹄輕飄飄如羽翰聊藉酬知音不顧汗血殫伯樂不世  
出騏驥空自殘誰憐伏櫪者執策一長嘆

猛虎行

東山無虎獸跡多西山有虎獸跡少白日繞林鳥雀驚  
耿耿後逐三子小秋風獵獵原野平饑腸未飽山中行  
鹿兒被獲供大嚼老鹿長逃不敢鳴將軍笑撚鐵絲箭

不射虎腰射虎面可憐三子亦被擒  
穿裏同來入虎園  
虎園晨開鐵作門  
脚憑一息定驚魂  
乞生也向人垂首  
昔日威風今何有

擬桃花源中人送漁郎出源

日長山靜春歸早  
千樹霞綃纈林表  
無賴東風吹落英  
沿溪為引漁郎道  
晉代銅駝荆棘中  
秦家宮闕埋煙草  
何緣幾日共盤桓  
翻知多少紛爭擾  
君有家鄉君自歸  
來路去路兩杳渺  
送君還復閉洞天  
洞裏花香春浩浩

擬漁人復至桃花源不復得路

憶昔入桃源萬古仙家趣桑麻滿平疇  
緋英纈千樹惜我羈世網未能驂雲霧  
洞口執手別殷勤頻屬付重來問仙源  
歷歷想前度雲水兩渺茫欲涉迷故路  
歸來日已西租吏守門戶烹雞送租吏  
自愧初心誤

聽鶴鳴

白雲捲遙天澄潦收寒瀨入秋詩思清  
吟望中心快何來警露音清越振林外  
在陰無子和孤鳴何幽介是時



田間雀啄啄羣喧噦兒童驅不起雜沓殊無賴忽聽九  
臯鳴清耳如梵貝會心豈在遠霜風度天籟

芸香

青油隔子屏風曲青簡繽紛三萬軸屈戌不閉午風涼  
吹送芸香香馥郁都梁五木不須焚芝印未結飄幽芬  
老蠹辭家墮雙淚坐失書屋三千春可惜三仙未餐罷  
避舍有似雲中下

冬夜偶成

人苦冬日短我愛冬夜長皓月懸長空朔風飄碎霜重  
簾垂毳毳紅燭明深堂博山炷水沉和以梅蕊香敲詩  
不覺冷漏永夜未央

招搖正指北黑帝方司辰三餘饒樂事華屋夜如春我  
屋雖如春廣厦安得均因念雪霜裏尚多僵卧人展轉  
不能寐閒敲詩句頻曠懷天地間人我本相因鴻荒始  
判初有如一家親後來生蹊徑肥瘠異越秦我願讀書  
者立達自身

烏雀集庭樹啞啞叫風冷無食哺其雛羣棲嘆夜永豈  
如青田鶴梳雪毛羽整不用稻粱資高空盤孤影九臯  
一聲唳聽者發深省

換燭詞

皦皦瓊枝綻紅萼蘭膏四下玉珠落熏爐甲煎篆煙消  
將炝幽光暗錦幙寸心不惜盡成灰斜倚雕闌玉如削  
玉鏡臺邊新睡起春蘭秋菊皆相似獨有幽人悟火傳  
前燈未滅新燈是

弔宋末張陸雙忠

午潮樂作檣旗仆蒼天不遺一塊肉海邊拮据兩孤臣  
有淚何能向天哭陸公負帝先沉海張公露祝天心改  
兩公先後死不同忠肝凜烈千秋在嗚呼委身事主不  
兩全竭心成敗斯由天趙武得生帝昺覆嬰杵當年難  
獨賢

遣興

陰凝北陸盛魄淵窮次紀甯發曉風寒霜花拂窓紙偶

思弄翰墨排籤列十指一字不能作閣筆且己己因思  
寒暑易天道固如此暑雨與祁寒怨咨豈明理况復陽  
和近轉眼物華美譬彼養狙公不出三四耳失者何必  
愁得者何必喜我願世間人平等觀如是

擬杜工部洗兵馬行

長雲不隱關山月沙漠龍堆多戍卒壯士橫戈古戰場  
將軍飲馬長城窟長城水寒馬不嘶刀環入夢多歸思  
少婦樓頭咽橫笛一聲秋韵臨秋吹吹笛聲高復聲下

驚起匡牀高卧者側身吟望興咨嗟向天長歌洗兵馬  
謂天蓋高聽自卑電光倏忽雷車馳雲師雨伯揚青旗  
陰昆水族功並施盆傾瓶注遐邇滋洗盡塵氛永息師  
男歸其家婦育兒九州安堵樂雍熙壯士勇力亦奚為  
欲挽天河安用之

傳聞

傳聞西師秋大捷露布軍中踵相接零星困獸爭逃生  
駢走喙息震且懼

皇清赫濯揚聲靈共球萬國均臣妾何來小醜擾西北  
此敗驚心定安貼太平有象當偃戈喜動中心上眉睫  
男不戎行罷戍歸春風四海咸和燮天心仁愛定如是  
但看明年進降牒

冰牀

御河臘月層冰凍河干輻輳千人衆徃廻爭欲倩冰牀  
空設輿梁恒不用細長明鐵當車輪架雕文木鋪重茵  
平湖舟駛不驚浪廣陌車馳那有塵客來不須勞問渡

但向河邊鏡明處  
隱隱雷聲聽未休  
坐中疑向瑤臺去

帝京歲暮八詠擬樂府

并序

四時灰琯知玉律  
無差九有春臺慶  
熙朝樂事十二月之佳景  
妙筆難描億萬載之休徵  
金甌永戴況乎天中旭麗輦下雲屯  
漢京兆之樓臺綺䟽繡幕  
宋汴梁之車馬香霧紅塵  
萬國共球望金門而獻歲  
千方輻輳向玉闕以輸誠  
暖帶春風喜椒花之有頌  
寒辭冬雪堆柏葉以為盤



韶景麗萬物以蕃鮮猶少蘇家三首芳辭申八  
詠而點竄非同王氏七人雖即事以興懷遜緣  
情而綺麗不拘成律各賦一章

臘八粥

臘月初旬纔八日都人醞釀年華出招提蘭若結常緣  
竈下火光然百室黍米棗栗雜胡桃煮粥朝餐如一律  
如一律異甘旨貧家不似富家美華屋雕盤肉侑餐茅  
簷一碗充腸耳充腸飽腹却歡然人人爭道新年邇

祭竈

鄉村臘廿四家家祭竈王城中二十三比戶燈燭張傳  
言輦轂百神聚竈君奏事非荒唐竈君奏事向何方九  
天之上玉皇年年此日竈君升雲旗龍馬宵翱翔且  
祝家事莫短長為乞明年安且康我聞作善斯降祥竈  
君直奏職所當天君自有定賞罰陰氏由來費黃羊

立天燈

金龍護柱長數丈四柱撐如巨靈掌綵燈左右列丹墀

萬壽燈明丹陛上年年臘月二十四縛架懸燈聲擾攘  
百夫輦柱齊用力一一都聽銅鑼響燈上聯書細金字  
惟乞歲歲登豐穰瑤宮樂事與民同從識太平真有象

貼門神

家家歲底貼門神門前一望景象春將軍鐵甲逞威力  
丞相冠帶容彬彬更換桃符粘福字等閒惡厲不敢親  
陳陳相因門板上新神還與舊神鄰神豈隔年舊習俗  
尚鮮新只願閭閻躋仁壽常見期頤百歲人

饋歲

刺繡新驚添幾線團團繡得荷包面就中各盛金豆兒  
開匣爭看文采絢亦有文房雜珍玩茗溪紫穎端溪硯  
易水松煙黑似漆倭牋蜀紙生東絹紅橘黃柑與鹿兔  
渴能生液饑堪醺帝里豪華固如此三元令日人爭羨  
試想村中老灌田此景何緣一聞見

供天地

新年淑氣霽百祥虔供天地通萬邦由來帝里制更詳

中宵華燭紛煒煌屏風設列庭中央盤堆果實羅酒漿  
主人前跪燒瓣香一年戶口安且康荷神之德報所當  
今值除夕歸帝鄉更迎龍駕錫福長五更曉起未出房  
迎喜避鶴擇向方後趨庭院拜玉皇送神爆竹聲硠硠  
夙興歡喜謹立旁遙瞻爐煙縹緲光靄靄天門闢九閭

煇歲

地爐然松枝續續煙縷起暖氣滿戶庭煇歲今宵是豈  
云借其煖詎為聞其香但願一家人和氣致千祥東鄰

撥新灰西鄰燒硬炭煙熏靄如霧自夜達明旦明旦天  
未明三五燦踈星賀年人畢至喜氣迎新正松枝不用  
添留為今年計彈指又除夕仍復供爇歲

守歲

赴壑修蛇留半尾堂堂去勢誰能止萬戶千門守歲人  
守至明朝新歲是今年還是舊年年倏忽更新萬象鮮  
人生會有百除夕高堂且復列華筵華筵開處羅老幼  
家僮歡喜忙奔走屠蘇遞飲亞元正少者在前長者後

出門看天斗指寅由來一夕變冬春書傭總是為書役  
繞架更復呼長恩

讀陶詩

風雅久失墜三百無人繼斯文蘇李徒權輿成五字子  
建嗣其音清辭發幽思卓哉彭澤翁別擅此能事自然  
無安排一以道已意至味寓澹泊字句絕詭異寄情五  
柳間瀟灑標逸致我今讀公詩數過不能置擬學眉山  
叟和咏良匪易

春水泛舟

新流滑笏如油綠柳帶迴溪曲復曲輕舸載我逍遙遊  
滿眼韶光看不足水清魚靜舟子閒獨下青天白鷗浴

尋春見山桃始開

尋春在何處乃在山之陽曉風吹料峭著體如沾霜遠  
甸草未綠長堤柳漸黃乍見山桃樹參錯吐花房露顚  
裛幽馨日暄淡素粧呼僮折一枝歸挿膽瓶香猶憶去  
年時九十惜韶光轉眼春又到此意渾欲忘女夷回造



化遲遲日正長

曉起聞雀聲

簷牙凍雀侵晨語似喚春眠覺行旅  
昨朝小園花正開  
不見飛向枝頭來  
今日寒郊草未綠  
却自成羣上林木  
曉寒喉澁不成聲  
何如且在林中伏

馬上吟詩好

馬上吟詩好即景堪驅用途長詩思長  
不復畏炎凍憶  
在書齋裏一作和者衆雖云足賞識  
轉覺苦吟弄何似

自歌吟却去安排重亦有從行者且喜不成誦我得此  
中味願與識者共莫學東坡老但欲續殘夢

所見

東皇迴星輶和氣遍六宇應候百昌蘇默默春風鼓皇  
州景物饒廣麗洵天府臨風跨紫騮緩轡過郊墅壟上  
事春耕停馬問田父小立汗不乾向我情畢吐去年冬  
不雪今年春未雨野老望雲心此意良辛苦清晨負鋤  
出努力向日午畝耕次第完下苗何日舉我聞田父言

仰望默不語天心本仁愛自有元功補甘霖應在即如  
膏潤沃土佇俟西成時萬戶倉箱貯

明月當三五流影遍萬方萬方同一照所在分輝光昨  
夜出東林映我讀書堂今宵行帳宿亦復明煌煌人處  
境地異月不改其常古來賢達者用貴物我忘

清明重拜掃貴賤良俱然彌望村郊中士女車馬闐富  
室羅祭品高堆白紙錢貧者伏路旁空餘涕淚漣生有  
榮辱爭沒後廼甚焉何人能解此便是無為仙試看古

墓道亦復犁為田

我從御園來天桃花半放路過桃花寺遙從山底望未  
見一枝開春風疑兩樣春風固如常前後亦須讓

曉陰

曉看西北雲峯起奴僕感眉主人喜僕言長路多跋涉  
雨積塗泥艱步履爰命來前聽我言若輩徒知自為爾  
不見辛苦三農望歲賒此日方資挿秧水

過通州浮橋

煙郊濛濛多白沙晨行更值寒風加馬蹄躑躅不能進  
回頭迷眩眼欲花却到潞河風日靜浮橋橫卧波中影  
南望飛鳧接遠汀何似江鄉呼舴艋

灌麥

大麥五寸長小麥三寸半地乾苗欲枯離披隴畝畔猶  
幸灌溉便近傍河之岸清晨課僮僕輓轡轉雙腕初看  
土濕濕漸覺流漫漫頃更苗盡起生意良可玩爾僕聽  
我言莫怨體流汗不見萬頃田農夫徧澆灌

讀范文正公神道碑用宋陳傅良原咏韻

入夏南風薰花木圍我廬我廬何所有挿架古人書希  
文古大臣不與伊葛殊特達圭璋器心跡天日如今讀  
神道碑更識為名儒中庸賴公顯程朱繼其餘廟堂而  
江湖憂樂與民俱天章十條陳忠懇豈區區仁宗稱賢  
主郅理亦可期參政僅九月不及大有為徒令范老子  
聲名播荒陬

鳩喚雨

我聞鳩喚雨又聞雀呼晴邇來鳩雀爭相鳴勞勞對語  
頻入聽窓前柳色正深綠芳郊未雨遲春耕小雀得意  
叫不止嗟爾鳩兮胡不靈

### 玉帶生歌

玉帶生端人也事文丞相為文墨賓

神工踏雲割寒玉追追琢琢虬盤綠曾為信國席上珍  
墨瀋猶疑血淚哭樂作午潮事已非玉帶生從信國歸  
海濱戰衄門生散玉帶生為信國伴嗟爾玉帶生我獨

歎爾卓爾皓潔胡為乎却笑褚淵犬不如

雨工

柳毅見涇川婦人牧羊問之曰此非羊雨工也  
蓋雷霆之類毅回視之矯顧怒步飲齕自異見

異聞錄

碧潭潭底開珠戶烏龍晝卧當瓊樹神女割雲補錦裳  
閒却雨工睡元圃天上人間隔夜晨一朝還過九十春  
何日鞭渠令行雨大慰田間望歲人



陶琴

鐸上掛何物亦被琴之名猶然徽軫具而無疏越聲古  
來多寶器亡失糞土輕茲琴存十一特以陶公稱伯牙  
彈不得穎師奏難成人皆指上覓我獨虛中聽有絃絃  
有止無絃絃外鳴不獨學彭澤自取琴中情

蠅拂子

驅牛不可驅蠅可玉絲霜縷垂婀娜華筵六月風日炎  
獨將瀟灑登君坐濯濯駿毛潔且脩閒供揮拂隨右左

王謝家風何足云愛渠亦復周旋我

蘭相如

和氏匣中一匣水十五金城持易此城不歸趙璧亦歸  
狼虎強秦亦披靡嗟乎人寶玉寶豈可同年語相如自  
知趙二虎秦廷斲蘭趙如何和璧雖歸藏外府君不見  
鴻門玉斗應劍碎子房依舊逡巡退

御製樂善堂全集定本卷十七

欽定四庫全書

御製樂善堂全集定本卷十八

古體詩

縹絲曲

吳天風軟春光暮  
吳蠶三眠絲欲吐  
日上茅檐火馭遲  
白絮紅塵夾兩路  
中婦晨起中心忙  
乾桐曉炊付阿香  
縹車軋軋轉幽澁  
一年衣食憑繭腸  
釜中絲斷愁不斷  
良人戍遠交河畔

北風圖

我聞古人精藝事繪月有色水有聲更聞繪風殊妙手  
庭中六月常清冷筆法墨法超象外逸氣獨擅箕星精  
天中候屆遲朱明暑風拂拂翻可憎陶令北窓不知快  
列子御行我未能安得劉裒北風圖懸我高堂之素屏  
圖豈有風作卧對能移情我今靜觀圖便掛滿堂覺有  
清風生

冰碗

浮瓜沉李堆冰盤晶光雜映琉璃丸鮮衣廣廈正盤礴  
冷彩直射雙眸寒雪羅霜簾翩珊珊坐中似有冰壺仙  
冰壺仙人浮邱子朝別瑤宮午至此古人點石能成金  
吾今化冰將作水

拱極城

九重城闕雙丹鳳萬國車書歸禹貢嚮明麗照鞏金甌  
百二山川作提封梯陵度索盡拱極此城獲名獨標衆  
南過都城十里遙斜日秋風拂塵鞵策驄城下懷古蹟

兒童十言九不中由來太平久息兵窮黎不聞呼楚痛  
還見城頭磨盤石盡是當年防盜用流寇近畿肆劫掠  
明代君臣鄒魯關

皇清受命定遐荒小大共球奉一統弱婦春深惟飼蠶  
丁男雨足事耕種堡上健夫夜熄烽城中秀士朝絃誦  
禮綱義維被遐邇建極堅牢逾鐵甕迢遙萬方朝拱人  
筐篚都由此城送

松風

繞宅栽蒼松虬枝盤碧蓋  
濤聲萬壑傳颯颯引清籟  
六月不知暑妙境殊可會  
飄飄葛衫輕揮霍塵柄快  
我得松風趣珍重如球貝  
人間恐無價持向何方賣

青玉簫

贈君青玉簫薦君玳瑁牀  
珠簾繞四圍布設庭中央  
去夏云半滿眼秋水光晚  
雨滌暑清肌膚生微涼夜  
靜人未眠撲牖花氣香閒  
身藉琅玕曠逸懷瀟湘

王明君

菱紅飛碧春風老琵琶抱出長安道長安北去達王庭  
四絃彈破知音少君王不是憐妾面未盡時應賜一見  
君王不是憐妾身猶勝獨閉漢宮春四絃嘈嘈絃絕聲  
高絕絃續絃馬上音調青山綠水皆聽取生女應須辭  
父母此日穹廬號閼氏不愈老作巫山女

雪浪石

石在定州文廟宋蘇文忠知定州時所  
留雪浪齋中物高廣二尺餘蒼質白理承

以石盆有  
亭覆之

雪自天上降浪從海面生何時相蒼翠却與石為名雪



浪本非石石以齋名稱如今齋不見此石猶崢嶸定州  
廟貌敞左城對右平巍然踞其間萬古凝堅精不共桑  
海變稜稜瘦骨撐誰言承有盆謾說覆有亭湏知雪浪  
齋亦以木石成尤物貴特立此理不須驚欲喚眉山老  
新詩還共賡

騎秋雨

江南謠一夜騎秋雨遍地是黃金

雨工騎龍不肯下油油雲陣鋪平野魄淵瞞人獨三旋  
今日新秋前日夏江南老翁笠底笑作農年久知天道

但得騎秋甘雨淋今年遍地是黃金

靜夜吟

玉繩迢迢向西轉長空月上浮雲捲十二時中秋思多  
都付幽情作排遣博山吐盡香霧深螢光點點流疎林  
空庭萬籟俱闌寂獨有詩人靜夜吟

唐寅山靜日長圖

我非山中人愛說山中話行遇好山水自覺中心快豈  
能長留玩聊且娛眼界山靜日長圖相傳伯虎畫為愛

景物幽持向壁間掛峯巒翠欲滴樹石紛古怪縛茅為  
屋宇飛泉流數派中有常住人看經不行邁伊余勞逸  
殊徒此償詩債靜對轉增慙烹茶洗惡芥

關山月

關山月如彎弓看月不與鄉里同鄉里關山豈異月關  
山下多戍卒怕見清光似鏡明月明却照沙塲骨

權歌行

江南少婦能權歌權歌一曲凌江波欲知幽情有幾許

脈脈離愁春水多  
春水復秋水蓮花復蓮子  
蓮子獨苦心  
魚書失雙鯉失雙鯉  
可奈何收珠翠  
疊綺羅待郎歸  
日舞婆娑郎不歸  
時空權歌

古意

春老金條脫塵生玉鏡臺  
分明陌頭望不自陌頭來  
明月入高樓上有綽約人  
只見樓中秋誰知樓外春  
熏爐炷水沉拜月衣裳冷  
拜起步階陰桂香弄寒影  
青青楊柳枝淡淡和風吹  
忽見一枝折無情復阿誰

神絃曲

襲襲鼓娑娑舞紙錢飄風神欲下叶神不能言巫代語

椎牛刳豚汝莫後叶疾病銷除還福汝石馬汗流神已

回老巫腹飽醅顏開今日西村病者死明朝更向東村  
來

秋夕讀高青邱大全集

碧潭秋水清寒山月華白水月兩澄明中有靜觀客披  
襟樂容與興籟生几席偶讀青邱詩尚友獲莫逆短作

紛珠璣長歌憂金石不事追琢巧渾渾含光澤伊余豈  
能詩對此仰高格撫卷吟寒空中心聊自適

蘆白花

蘆白花狎洲渚一片蒼茫迷處所翻風著意作金聲坐  
中有客懷秋緒懷秋緒逸興賒渚邊獨立弄薰葭逢春  
戟戟且得意秋老煙波君莫嗟

壯士行

生肉亦能噉悲筑亦能擊不學三軍師只學萬人敵

少小長幽州生憎繞指柔今朝受君惠明日報君讐  
易水送荊卿秋風拉瑟聲一去不復返咄哉壯士行

織錦詞

睡鴨盤盤翠雲吐漏添細把丁東數鳳梭千擲素腕疲  
寸錦難成愁不語明明寒月照流黃三日一匹臨秋張  
并刀象尺分明度莫教裁破雙鴛鴦裁破鴛鴦作春被  
惆悵空幃獨徙倚年年織錦却徒勞良人遠道寒無袍

灌園

種樹圍小園種菜數畝餘綠畦足野趣且復得嘉蔬春  
風千頃浪秋雨一犁鋤四時供盤餐青青藿與茹今朝  
柳陰下課僮轉轆轤吸彼井華水灌我珠玉畬芳坂潤  
新綠勃然生意舒自饒塵外味何必山中居

虞美人曲

露泠泠濕啼眼空憶帳中歡幽情不能綰芳心全是恨  
心抽烏江江水至今流至今流非漢土虞美人兮猶楚  
舞



弔孟賁

孔悝之難子路死於石乞孟賁後乞奔楚賁在  
衛子路之子仲子崔以復仇請於夫子子曰行  
矣子崔遂入衛使人告於孟孟曰君子不乘人  
於闇明日戰於西郊蒲弓木矢以往死焉蓋傷  
子路之賢而成子崔之孝也事見金管集

古有俠烈者輕生等弁髦嗟哉彼孟賁乃以義為高心  
傷哉善良大讐言不可逃捐軀執蒲弓舍命齒霜刀由也

非合道孟也豈行超委贄贖輒間已是附猿猱君子慎  
所事生死如雲霄

李夫人歌

夜風吹開琅璫鎖繡房燈暗蘭膏火分明記得擁衾時  
是耶非耶帳中坐翩珊珊來何遲死憐更比生憐癡金  
雞鳴鳴月如練相見何如不相見

題高其佩指頭畫八駿圖

苜蓿平川數十里幾株楊柳秋風裏兩駒並馳若驚鴻

一匹齟草閒且喜卧者有二立者一老馬磨瘡如龍視  
就中紫騮獨稱神滾地煙塵幅上起奚官無事但立望  
兩人容與踈林底古人畫馬用秋毫鐵嶺老人用十指  
腕下生風何足云指頭隨意傳神髓懸之高堂秋意多  
哂余興在南海子

秋夜詞

桂風吹送西陽疾海風吹送冰輪出千山暮色轉蒼蒼  
清絕蟲聲上瑤瑟睡鴨香凝暖霧深更長夜靜涼生衾

羅帷銷光霜簾老忽驚淒切鳴寒砧零露漙漙白於水  
池邊曉看芙蓉紫

讀申屠蟠傳

多士清流太皎皎由來尾大難為掉漢綱陵夷何足云  
言高致綯不為少飄然惟有申屠生孤鶴盤空絕羣鳥  
林下鴻名播士林逸氣淩淩光日表嗚呼邪正原不容  
薰蕕臭味豈同道宋室洛蜀標名字室中操刃相攻討  
金人三緘實可師處士橫議身難保梁碣春深山水閒

鈎黨吏不尋門考非但容身叔世間中庸品行誰能紹  
謝人送墨

徂徠老松辭山阿元霜夜搗萬杵多丸成渾似懸壁月  
硯池鼓浪騰風波古來作者難屈指前朝潘生近曹氏  
嗟君此墨從何得錦囊贈我光生几秋風颯颯透書帷  
霞賤未拂含淋漓此物宜歸青玉案勒文竹石垂無涯  
太學碑前紀功德燕然峯畔標鴻績不然臺中草諫章  
直令萬里流王澤何來高齋供染毫吟詩獨自裁風騷

從來所寶慎所用珍重還欲方瓊瑤

美人磨鏡圖

阿嬌階下燒銀水瘦玉春慵日晏起夢醒芳情却惘然  
纖纖手把芙蓉洗壁月光沉鸞影破畫眉挿鬢誰為佐  
欲擬磨成舊樣明照出新愁更無那

鷗捕魚

蘆花叢裏風獵獵秋浦波寒人鮮涉雙鷗飛下浴澄明  
饑腸未飽波上行却顧波中探長嘴銜得遊魚出深水

幾番吞吐恣果腹魚何苦兮鷗何喜爾鷗爾鷗喜莫亟  
江邊有人施矰弋

倒掛

畫欄翠柱春宮曉顧影憐思異凡鳥綠衣倒舞不曾翻  
只妬能言秦吉了蟬鬢新梳短夢闌手握香稻添朝餐  
更呼小鳳聽分付閒言莫向人前訴

牧牛詞題馬賁畫

老牛角彎環小牛角繭栗歲初祭耒罷村村驅犢出東

坡草半芽西坡草未長草乏牛苦饑牧兒愁惘惘不是  
愛憐牛南畝功正稠牛肥好耕種黍苗青油油獲黍輸  
官租莫漫償私債官租苟不足還將此牛賣

班婕妤

婕妤辭輦後廢處長信宮蓋古貞女之流唐人  
諸作率比之怨女思婦夫憂愁幽思則有之而  
借問承恩者雙蛾幾許長又何以云乎

深宮人靜秋英馥永巷遙連三十六昭陽絲管風送聞



且喜君王歡意足妾居長信猶金門妾生一日皆君恩  
君王安樂妾願畢區區辭輦安足論千秋萬歲長如此  
莫中披香博士言

戲擬禽言

提壺廬提壺廬提壺遠向村南沽快哉快哉提壺去來  
婆餅焦焦婆餅婆去餉孫村路永田中稻苗新發穎秋  
成有食好光景爾莫憂婆焦餅

郭公郭公山中樹中一朝西北來金風徘徊四顧家室

空身寒腹饑叫不止生不如杜鵑死

泥滑滑雨淋漓行不得中夜啼我在枝頭猶自可道路  
難時須憶我

得過且過得過且過有身不愁室家破日頭出來枝上  
坐得過且過

布穀布穀風和日暖春水綠趁時耕作應須速汝莫學  
富家翁晏起早眠食肥肉

御製樂善堂全集定本卷十八